


明清以來公藏書目彙刊

本社古籍影印室 輯 北京圖書館出版社

16






明清以來公藏書目

彙

本社古籍影印室 輯 北京圖書館出版社
MINGQING YILAI GONGCANG
SHUMUJIKAN

16

刊



第十六冊目錄

國立北平圖書館書目・目錄類	一
國立北平圖書館現存昆明藏書目錄初編	三九一
國立北京圖書館由滬運回中文書籍金石拓本興圖分類清冊	五九七
故宮所藏觀海堂書目	六八一

國立北平圖

書館書目

目錄類



國立北平圖書館
民國二十三年八月發行



序

三臺蕭生仲圭吾鄉名宿兩耕同年之孫龍友世兄之子也畢業於國校夙究心文史於目錄之學尤所深嗜余薦達於北平圖書館中館長袁君守和任以編摩之役未幾持二巨帙見眎則所輯館藏目錄之書都爲一類取便檢尋者也其義例以圖書目錄爲主而以論述校定之屬冠其前經畫編纂諸事附於後條理明備叙次不紊致力亦云勤矣維目錄之學爲群籍之總樞治學之門徑古人言之詳矣顧自子政別錄子駿七略創爲體製鄭默中經荀勗新簿相繼有作由是歷史之藝文官庫之簿錄私家所儲藏儒流所撰述推而二氏秘典海外佚編咸叙論原委分別部居或據版刻以訂其異同或輯叢殘以攷其存佚分途并鶩樊然雜出沿及輓近其流益廣昔之號爲附庸者今且恢爲大國矣夫載籍極博學者已苦於窮年莫究皓首莫殫乃至目錄一門其流衍於

後者又復日出靡窮帙盈千百若不爲之整齊而董理之則承學之士將治絲而益紛望洋而興歎何由闢涂徑以履康莊乎斯於學術所關匪細故也今蕭生承命總集四部書目而首取目錄一類寫定此編標舉類別次第秩然俾覽者手此一編爰得分門以求探篋而取無披檢之煩勞而攬圖書之領要譬之行海者必資舟而濟而此則司舟之南鍼也入室者必由戶而達而此則筦戶之鎖鑰也其例似因而體則創其事似簡而用乃閎昔班孟堅有言記事者必提其要纂言者必鉤其元若蕭生此作洵可云知先務之急矣故樂而爲引其端

共和二十有三年十二月十五日江安傅增湘書

序

民國二十三年秋國立北平圖書館編印所藏目錄學書目纂輯既竣館長袁君守和適有歐美之游余攝館務主編之士乃屬余爲書數語置諸簡端余維載籍繁而後目錄之學興鏤版既作圖書印行較鈔寫爲便而傳布之數量乃日益鉅然時代演進天舊人害何代無之印成之書佚亡劇速而目錄學之用斯愈亟經籍錄略創於漢而盛於隋自斯以降者著述日多蔚爲專學公私典籍所載存目解題數可千百不獨續學嚮古之士於以考著作之源流識存佚之起訖究版本之同異徵學術之興衰卽後生小子有志於學者因類以求書就書以力學其升堂入室之鎖鑰胥將於目錄學繫之矣國立北平圖書館以傳播學術爲鵠的所藏目錄學專籍縱貫列朝橫被形上形下各科目足備治學考古之用今茲付諸鉛槧俾館內外人士得以隨時檢閱便利學子寧有涯

淡且吾聞館藏各專科書目將繼此而陸續印行則目錄學書目蓋劉氏之輯略而羣籍之津涉尤將人手一編而時繹之也皖夥孫洪芬

序

自來公私藏書皆有目錄以備稽尋現代圖書公開覽者日衆更不可無目錄以爲之鍵新興活葉式卡片書目固利於因時增損然其用囿於館內累贅笨重既不能刊行副本流傳遠方且弗如舊日簿錄式者一目數行易於檢索近年歐洲之大圖書館如巴黎之國立圖書館倫敦之大英博物院圖書館以及柏林之普魯士邦立圖書館正努力刊印簿錄式書目以利讀者本國財力不足由美國捐資補助足徵新舊式之書目不可偏廢抑且相輔爲用其利益溥也我國自新式圖書館成立以來目錄多採活葉式耆儒宿彥親卡片之盈千累萬頗厭其翻搜之苦矧卡目之不便在吾國猶有過於泰西者漢字排檢不若西文字母順序通俗易曉位次固定此其一缺乏標題欸目不足以濟著者書名等目之窮此其二故在吾國圖書館簿錄式之分類書目仍有保存及繼

續編纂之必要本館藏書甲於海內目錄甚夥部居不一歷年新書源源增購即時理董以免積累致碍於用故無晷刻從事彙集願著錄一事至爲綦繁定書名考著者審版本紀圖卷加附註作參見輒需時日至於分類問題不一而足一書可入數類者有之閱完序目讀畢全書而終不能確定何類者有之條別異同疏通倫類皆非倉卒所能將事職是之故普通書之總目遲遲未能編竣館長袁守和先生有鑒社會人士期望甚殷視爲當務之急乃委二三同仁負責編纂擬繼方志善本輿圖諸目之後將編成部類陸續公諸於世以應讀者需要今春袁館長赴歐美考察圖書館事業館務請孫洪芬先生代理洪芬先生於編目計畫多予贊助督促進行茲者蕭君仲圭以所編目錄類付之手民且自任校勘之役用力甚勤梓人告竣爰述刊印崖略如此

民國二十三年十一月漢川嚴文郁序

凡例

一本編定名爲國立北平圖書館書目目錄類係將本館所藏之目錄書籍分類別質彙輯一篇者也

一本館舊藏之書有前京師圖書館前北海圖書館及前教育部頒發者三項新藏之書則爲本館成立以來陸續採購者本編所收之目錄書籍除舊藏者悉數著錄外新購之書則以本書印成之日爲限

一收藏家之書有寄存本館者如新會梁氏善化瞿氏等諸家之書無論永久寄存定期寄存本編爲求全備用計亦皆暫行採錄

一本編所收之目錄書籍只限於獨立成帙者他如正史類書方志中之藝文志雜誌文集中之目錄論文概不採錄

正史中之藝文志如歐陽修新唐書藝文志擇是居叢書單爲

刻行邑志如杭州藝文志續光緒三十四年有抽刻本單行准誌中如馬叙倫清人所著說文之部書目初編草稿本館拆裝單行本諸如此類本

目

錄

類

凡例

國立北平圖書館

一 目錄之見於叢書中者甚夥本編爲徵備起見就本館所藏者概行擇錄
一 本編於每種書籍下除將卷數作者考覈著錄外更於版本特加詳密良
因版本不同書生差別而優劣因亦見曉

一 鈔本書目多有未標書名者本編著錄皆據本書之內容酌意增補並加
按語說明


一 書目有不著撰人姓氏者本編均詳考著錄如學力所限不能一時查出
者則暫標不著撰人四字以俟博雅增補

一 一書有二名者本編均加按語說明

一 一書而占有兩種性質或兩種以上者本編特出互見例以明之

一 本編爲便於檢查計特前附分類表後附著者索引書名索引

一 本編於脫稿之後出版以前尙有陸續新購者輯爲補編



分類表

圖書學

一、通論

二、目錄學

三、板刻

四、校讐

五、考證

六、書影

圖書目錄

甲、著錄

一、書錄

二、叢書目錄

(一)總目

(二)子目

附叢刻

三、藝文志

(一)史志

(甲)通記

(乙)斷代

(二)邑志

(甲)中國

(乙)外國